



SULEQATIGIISITSUT  
SAMARBEJDSPARTIET  
FM2020/43  
Tillie Martinussen

20. maj 2020

**Pissutsit immikkut ittut inuiaqatigiinnut kalaallinut immikkut pingaarutillit (Covic-19 pissutsit) pillugit Naalakkersuisut Siulittaasuanit nassuiaat..**

(Naalakkersuisut Siulittaasuat)

**Suliniut iluatsittoq – attatiinnassavarput – Kalaallit Nunaat QUJANAQ**

Inunnut pissutsit atukkatik, oqaluttuatik, ernumassutitik pillugit, isumassarsiortitsillutik, aaqqiissutissatut siunnersuuteqarlutik allassimasunut Suleqatigiissutsinullu ikiuisimasunut tamanut qujassuteqarnissamut periarfissaq una atorussapparput. Ataatsimiitaliani oqalittarfinni ulaputtoqarnikooqaq, inuillu annilanganikuupput, neriuteqarnikuupput, silatusaarlutik siunnersuuteqartarnikuupput, innuttaasullu allanik isumassuinerinik ernumassuteqarnerinillu imaannaangitsumik paasisaqarnikuuvugut. Marsip kingorna ataasiaannarnata qullipittarnikuuvugut partiimilu oqaloqatigiittarnikuulluta, killitsittarnikooqaagut, attortittarnikooqaagut, nunatsinni kusanaqisumi ajornartoornermi uani peqqissutsimi sulit ajornartoorfiunngitsumi inoqatitsinnut misiginneqataanikuuvugut tanngassimaarinninnikuullutalu. Tamassinut qujanaq. Tamassi ataasiakkaarlusi qujaffigaassi.

Naalakkersuisut Siulittaasuannut partiini siulittaasut akimorlugit suleqateqarniansimaneranut qujanaq, iliuuseriniakkattalu sapinngissamik ataatsimut isigalugu ilanngunneqarsimanerannut qujanaq, naak qularutissaanngikkarluartoq sulit qaninnerusumik suleqatigiinnissaq, siunissami sukkanerusumik iliuuseqartarnissaq innuttaasunullu pitsaanerusumik attaveqartarnissaq kissaatigigaluarigut. Aamma atorfillit politiillu, qatserisartut, peqqinnissaqarfik, sulisut navianartumiittunik suliaqartut, kommunit aamma inuit isumassuisut ilinniartitsisullu, meeqqerivinni perorsaasut ilinniarsimanngitsullu, pisiniafanni sulisut, aputaajaasut, eqqaavilerisut, silaannakkut immakkullu angallassinermi suliffeqarfiit taakkunanilu sulisut tamarmik pisariaqalerfiani peqatigiilluarsimerat nuannaarutigaarput. Iluarisimaarinninnerup oqaatiginissaa qujanissallu eqqaamanissaat pingaaruteqartorujussuuvoq. Taamaaliussaagut tamanut piffissamut sivisuumut pitsaasunillu aaqqiissuteqarnissap qulakkeerneratigut. Ajornartoornerup kinguneranik aningaasaqarnermi ajornartorsiuteqalernerit immikkoortut ilaanni annikillisinneqarsinnaapput allallu sakkortuumik eqqugaasussaallutik.

Innuttaasut ujariatsimasut, qanilaarnermik, pakkussinermik, kunissinermik asanninnermillu amigaateqarnikut Ataatsimiittarfirmitt maanngaaniit qujaffigaagut. Allanik nalunaaruteqartariaqarsimasut, tapersersoqatigiissimasut, imminnut pinngitsoortariaqarsimasut isertitaqanngitsoortartullu pisusanillu pissangassuteqarnikut, illutik angerlarsimaffitilluunniit pillugit, suinngiffeqannginnissamik nappaatillu uuma aappasaanik pingajusaanillu takkunnerani peqqissutsiminnik nalornissuteqarnikut. Aap kapuummik katsorsaammilluunniit nassaartoqarnissaata tungaanut tamata nalorninartorsiorpugut, tamatta angerlarsimanikuuvugut annilaangalluta pitsaanerpaamillu pisoqarnissaa kissaatigalugu. Qiimmasaqatigiinnikuuvugut, kaajallammik nassitsilluta, asasagut sianerfigalugit tassangaannarlu inuit utoqqartatsinnik isumassuisut pisariaqarterlugit, navianartumiinnerpaajusortatta inissaqarnissaat isumaginikuuarput, sulisut ullut tamaasa navianartumukartussat eqqarsaatiginikkuuagut. Tarnikkut napparsimasut, navianartumiittut, meerartagut inuusuttortagullu navianartumiittut, arnat annersarneqartut, atornerluisut, piitsut kiserliortullu. Taakkununga assagut isaappagut, ikiorlugit, tapersersorlugit, nalunaarfigalugit, kaammattorlugit. Nutaarsiassat innuttaasut nutsertarpaat, videonik paarlaasseqatigiittarput, eqqumiitsuliortartugut



SULEQATIGIISITSISUT  
SAMARBEJDSPARTIET

sassarput ilitersuillutillu, kaammatuillutik, saammarsaallutik, internetikkut tusarnaartitsillutik, inuiaqatigiinnilu nassaassaasutut maannakkut ilisimalikkatsinnik isumassuineq asanninnerlu takuarput. Qanga atassuteqarfigisat nutaallu pilerput, qanigisanut qanimut kissalaartumillu atassuteqartoqalerpoq, uumasuutitta unillatsiartoqanera nuannaraat, taamaattoqarneranilu nunarsuaq matuvoq, pisoq annilaarnartoq piusuunera upperiuminaatsoq, taamaammat angunissaanik kissaateqarpugut neriullutalu. Angusinnaagipput. Sapinngikkipput. Taamaaliorpugullu.

innuttaasunik imaannangitsumik suleqateqarsimanerput pillugu Ataatsimiittarfimmit maanngaaniit qujavugut, inoqatittalu naleqassusiinik isiginneriaaserput pisariaqalermallu ataatsimoorneq periusiaasariaqarpoq oqimaaqatigiissitaq, siamasissumik tunngavilik suliarilluagarlu. Asasara Kalaallit Nunaat ataatsimoorneq qujanaq. Tamanna ileqqunngortitsigu. Uummatissinnilu suna pingaartinnerlugu uagutsinnut politikkerinut takutikkassiuk uagutsinnullu maligassiuinissinnut qujanaq. Maannakkut piffissaasuanarpoq, ataatsimiinnerpassuupput politikikkullu suleqatigiissitalianut aaqqiissuteqartussanut tapiissuteqararluta Nalaakkersuisullu Siulittaasuannut Nappaanernullu Ataatsimiititaliamut tapiissuteqartarluta. Isertugaataagunangilaq ataasiaannarnani stressernartuusooq ulapinnartuusorlu, peqataajuannarpugulli partiillu arfineq marluk tamarmik siunnersuuteqartarput suleqatigiillutillu.

Tamanna attattariaqarparput.

Suliassaq isortarsuisoqarneratigut aaqqiissuteqartarnikkullu, tapiissuteqarneratigullu pitsaanerulersartooq avataaniillu isumassarsisitsisoqartarnera pisariaqartinneqartartoq, taamatulli periusissiat ajornartoornerrillu iliuuseqarfigineri pitsaanerulertarput. Taamaammat ajornartoornermi uani sapaatit akunnerini siullerni suleqatigiissimanermut qujanaq.

Savalimmiuni Sambandsflokkurininut assagut isaakkatsigit ingerlaannaq akissuteqarnissinnut nunami maani partiimit suleqatigisassinnit qujanaq. Tamanna misissuineri atortunik kingusinnerusukkut pisiarisinnaasatsinnut aqqutissiuvoq, ikiuinissamik ingerlaannaq neqerooruteqarput, mississuineri atortut peqatigalugit pisiarisinnaagigut, sulisutik immikkut ilisimasallit ikiuisippaat qaninnerusumillu suleqatigiinnissamik ataqatigiissaarinissamillu neqerooruteqarput. Tamanna aamma qullipitsitsivoq qujaniarfiungarlunilu, tamannalu ajornartoornermi uani uagut Suleqatigiissitsisut ineriartortilluarneqartoq akuttunngitsumik misigisarparput. Pisup uuma ersarilluarnerpaamik takutippaatigut ataatsimoorneq, ilisimatusarnermi, sulineri, aningaasatigut, ilisimasatigut ikinngutiginnikkullu nukittuninngortittaraatigut. Danmark peqatigilluinnaratsigut qujanaq. Tamassuma aammaarluni takutippaa. Ataatsimoornerup nukittungaarnera piffissami uani ajornatoorfiusumi erserilluinnartumik takutinneqarpoq. Ataatsimoorutta pitsaanerumik ingerlatsissaagut.

Aamma isumasiueqateqarsinnaaneq kissalaartitsilerpoq, tassa nunarsuaq tamarmi annilaanganermi apeqquterujussuannngortitsimmat. Ataatsimoornerput ingerlatiinnartigu, ataatsimoornerlu taanna nutaaq nassaareqqinneqartoq annertusartigu.

### **Periarfissat ammaaqqinnerlu – suleqatigiiffiit nutaat**

Nutaamik suleqatigiiffiilornissaq pisariaqartinneqarpoq. Ataatsimiititaliaq nutaaq partiit tamarmik sinniisuuffeqarfigisaat, ataatsimiititaliaq Covid-19-ip kinguneranik pisunik qaangerneqarnissaatalu tungaanut suliaqassaaq. Ataatsimiititaliaq allartooq ingerlatsinissarpassuarni tulluuttuni siunnersuuteqartarnissamik sulinissamillu qulakkeerinnittussaaq.



SULEQATIGIISITSUT  
SAMARBEJDSPARTIET

Taanna pilersitsigu. Taava oqallittafiusussamik paarlaasseqatigiiffiusartussamillu oqallittarfeqassaagut. Siunissami pisussanik tuniluunnerullu aappasaanik pingajussaanillu takkussinnaaneranut atugassamik iliuuseqartarnermik nalilersuinerup aamma ataatsimiititaliami tassani aallaaveqarnissaa pingaaruteqarpoq, taamaalilluta ilikkakkagut maangaannanginniassammata.

Aamma isumaqarpugut Naalagaaffeqatigiinnermi qanimut suleqatigiinnermut sinaakkusiisoqasasoq, paasissutissanik paarlaasseqatigiittarnermut, nalilersuinerut, naatsorsuinerut misillitakkanillu nunat akornanni paarlaasseqatigiittarneranni oqallittarfik. Taamaaliornikkut nunat pingasut tamarmik nunat allat ilisimasaannik aamma ilisimasaqarnerulissapput.

Taanna atorfillit, inatsisartut siulittaasullu akornanni pilersinneqarsinnaavoq.

Aamma aamma sulianik tulleriarlugit ingerlatsinissani pissutsit tamaasa pillugit pitsaasumik, eqqortumik ingerlaavartumillu attaveqartarnissaq qulakkeerneqassaaq. Taamaalilluni taamaallaat taakkunanga suliaqartussamik oqallittarfeqalissaaq. Pisumi uani ajornerpaamik pisinnaasoq tassaavoq paasissutissanik pissarsisanginneq: Taamatut pisoqarpat inuit namminneq paasinnittassapput namminerlu paasisassarsiorlutik, paasissutissanik pissarsiviit naammattumik paasiniarnagit paasissutissat eqqortuunerannik qulakkeerininnissamik ajornartoornerullu aallartinneratut apeqqutit eqqortumik akissutissarsinissaannut periarfissaqarani.

Periarfissaq 2 uani saqqummiunneqartoq, nunatsinnut angalannginnermi ullut marluk sioqqullugit, nunatsinnut tikereernermi ullut tallimaanni misissortinneq napparsimanermi misissortinneq ilanngullugu, isumaqarpugut ingerlatsinissani aggersuni pitsaanerpaajusoq.

Kisiannili ulluni 14-ini mattussineq pinnagu assersuutigalugu ullut qulingiluassaanni saniatigut misissortinneq ilanngukkusupparput, napparsimanermullu takussutissat suut mattunneqarnermik kinguneqarsinnaanerannut ersarissumik ilitsersuuteqarluni.

Kisianni ataatsimiititaliaq tamakku pillugit iliuuseqartartussaq pilersitsigu. Ammaaqqinnerup iliuuseqarfiginissaanut ingerlaavartumik aaqqiisarnissat, eqaatsumik iliuuseqartarnissaq aalajangiinnaassuseqarnerlu pisariaqarput. Maannamut iliuuseqartarnermik nalilersuinerup ersarissumik takutippaa siunissami iliuusissani tamatta atorfissaqartinneqartugut.

Misissuisarnerit ingerlaavartumik ingerlanneqartarnissaasa peqqissaanermilu sulisut tamakkuninnga ingerlaavartumik ilinniartinneqartarnissaasa qulakkeerneqarnissaannik pisariaqartitsisoqarpoq. Aamma inuit misissorneqartussaagaangamik isertitaminnik annaasaqartanginnissaat oqaluuserisariaqarparput. Tassa inuit ataasiakkaat isertitaminnik annaasaqarnissaasa qanoq pinngitsoortinnissaa taamaalillunilu tuniluuttoqannginnissaanut akisussaassuseqarnerisa siuarsarnissaa?

Misissuisarnermik periusissiami aningaasaqarneq kisiat isigalugu kiisalu atortut atortullu taakku pisariaqarnerat isumagineqarnissaat pingaaruteqarpoq. Tamanna tamakkiisumik tapersorsorparput, namminersortunullu aningaasanik tapiissuteqartut ajornartoornerup aallartinnerani aamma uagutsinnut ikiuisunut qujanaq.

### **Nunatsinnut angalasut, mattussinerit unnuivissanik pilersitseqqinneq takornariaqarnerlu**

inuttut atukkani aningaasaqarnermi immikkut isumaliutit ajoqutaangippata atorneqarsinnaanngitsut piiginnarlik. Paasisariaqarparput takornariartitsisarnermik inuussutissarsiortut ilinniaqqittariaqartut, allatut ingerlatsisariaqartut ilaatigullu suliamik taamaatitsisariaqartut.



SULEQATIGIISITSISUT  
SAMARBEJDSPARTIET

Suleqatigiissitsisunut pingaaruteqarpoq suliffeqarfiit pisortat pigisaasa qulakkeerneqanngissaat namminersortullu ipitinneqannginnissaat. Inuppasuit ajornartoornermi ikiuutunik pisariaqartitsinikuupput siunissamilu taakku atorfissaqartissallugit, ersarissumilli pisariaqartitsigaluartut ikiorneqarsinnaanikuunngitsut. Tamakku naleqqussartariaqarpagut, taamaalilluta eqqortunik ersarissunillu atugassaqaarniassammata. Sullissinermi inuussutissarsiortut mikisut suliffeqarfiillu nunatsinni uagutsinnik sullissisut pisiortornissamat periarfissaqassapput, aningaasallu sumut atrorneqarnissaat politikkikkut pitsaasumik aalajangerutsigu NASSAARISINNAASATSINNIK atuisarneq siuarsartariaqarparput ilaatigullu isumannaatsumik ingerlatsinissaq qulakkerlugu. Nunatta aningaasaqarnerata qulakkeerneqarnissaa pingaaruteqarluinnarpoq, tamannalu Ataatsimut Tapiissutikkut Aalisarnermillu Inuussutissarsiorterup imminut illersorsinnaassusiatigut takoreerparput.

Tamanna anguniagassatta siullersaraat pingaarnersaralugulu.

Tulliullugu takornariartitsisut ingerlaqqissinnaasut qulakkeerniarlugit aamma allatut ingerlatseriaaseqarnissaaq aamma ilinniagaqarneq/pikkorissarnerit qulakkeerniarlugit takornariartitsisarnerullu ingerlallualernissaata tungaanut sulisut inuussutissarsiutinut allanut nuunnissaat qulakkerniarlugu allatut eqqarsartariaqarpugut.

Uteqqillugu; isiginiagassagut tassaapput namminersortut pisortallu suliffeqarfiutaat pingaaruteqartut.

Namminersortut aningaasartuutiminnik matussusiiinnaasumik nunap karseqanngillat, taamaammat atugarisaasa paasiniaqqissaartariaqarparput ingerlaqqinnissaannullu ikiorlugit, oqimaaqatigiissaakkamik. Maannamiillu pitsaanagerusumik.

Periarfissat ammaaqqinnermi toqqarneqartussat kommuninit ingerlanneqarnissaat qulakkeertariaqarparput, tulliullugulu illoqarfinnut nunaqarfinnillu ataasiakkaanut eqqortumik, taamaalilluni taakku qanoq iliornissaq tuniluuttoqalissappallu sunik nalunaaruteqartarnissaaq nalornissutiginiassanngimmassuk. Nunarsuarmi tuniluuttoqarnerani annertoqisuni attaveqarfiit suliassallu ingerlaarfii sunnuteqartut eqqortullu pisariaqarput. Taakku ataatsimoorluta pilersitsigit.

Mattussivinnut tunngatillugu oqallinnisarput ammavoq. Pingaaruteqarporli uparuassallugu ilaqquttat tunillanneqarnissaaq annilaangagalugu tassanngaannaq inissaaruttut, taamaalilluni tamanna atuuteqqissanngippat pisunut taamaattunut inissaqartitsisinnaanerput pilersaaruteqarnissarlu pisariaqarpoq. Oqartoqarsinnaavoq taamaatut pisoqarnerani inuiaqatigiinni tamani ammasuunissaaq pisariaqartoq, nunatsinnullu tikittartut nakkutigeqqissaarlugit, tuniluuttoqarneranut periusissiaq tunillatsisimasinnaasunik annertuumik misissuisarnermik qulakkeerinntoq.

Akunnittarfinnik unnuisarfinnillu, namminersortuunerusunik, nunatsinni ajornartoorunik suleqateqalersinnaavugut, ajutunnginnissarlu anguniarlugu suna pisariaqarnersoq ataatsimut isigalugu oqaloqatigiilerluta taakkulu ilaanni mattussivilorluta, taamaalillutik aaqqiissutaasinnaasut ilanginiassamatigit.

Nunatsinni feriarniarlutik nunatsinnt angalasut unnuinermi annikinnerusunik akiliinissamat periarfissaqarnissaat aamma eqqarsaatigineqarsinnaavoq, akerlianik nunatsinnut angalasut aalajangersimasumik amerlassuseqartillugit taamaallaallu akiligassat akissarsiallu akilernissaannut periarfissaqarnissaaq inuussutissarsiortut akueralugu akerlianillu piffissap ilaani isertitat apparnissaat akueralugu, aap tamanna aamma periarfissaavoq.

Ataqatigiissaariguttali aaqqiissutit taamaattut atrorneqarsinnaapput.

Eqqarsaatigisiuk angalanernut bilisit tikiffinni misigisassanut atugassanngorlugit



SULEQATIGIISSITSUT  
SAMARBEJDSPARTIET

allanngortinneqarsinnaappata. Inuit illuminnik paarlaasseqatigiittarnissaat inuussutissarsiunngorsinnaavoq akikitsumillu unnuiffeqarnissaq periarfissineqarluni, peqatigitillugulu nammineq nunagisami takornariarnissamat periarfissat atorneqarlutik. Tamanna tamarmik sinniisuuffigisaannik suleqatigiissitaliai oqallisissaqqippoq.

### **Sukkasuumik akissuteqartarnek, eqaatsumik iliuuseqartarnek peqqissuserlu pillugu politikki**

Sukkauumik, eqaatsumik tamakkiisumillu iliuuseqartarnek pingaartuuvoq. Tassa polikkimik ingerlatsinermi siunissami siunnersuuteqartarnissamat periarfissaqarnek.

Pissutsit ullormiit ullormut SULI allanngorsinnaapput, nunarsuarmilu siullermeerluni tuniuttoqarnerata kingorna Kalaallit Nunaanni ullormiit ullormut maannakkut "siullermeerluni tuniuttoqariaannaavoq". Taamaalluta nunarput ammarsinnaavoq amnavittariaqarlunilu, kisiannili nunatsinnut tikittunut uagutsinnullu akuliunnerat pillugu annertuumik paasisitsiniaasoqartariaqarpoq,

Ajornartoornermi periutsit tamarmik ingerlatiinnartariaqarput, napparsimasunik nuussineq kiisalu nunarsuarmit tamarmi paasisutissanik katersuineq, ilisimatusarnermilu paasisat suuneri paasiarneqartariaqarpoq taamaallaallu taakkunanga suliaqartunik suleqatigiittoqarnissaa qulakkeerneqartariaqarpoq.

Nutaarsiassanik ilisimatusarnermillu tatiginartunik kalaallisut ingerlatitseqqiisarnermut aningaasanik immikkoortitsisoqartariaqarpoq.

Anersaartuutit tamatigut aaqqiissutaaneq ajortut paasinarsinikuuvoq, ilaatigut napparsimasorujussuarnut iltilersuineq pitsaanerusarpoq. Uummatikkut taqqakkullu nappaatit, pualavallaarneq puannilu nappaatit imaakkunarpoq sakkortuumik – toqussutaasinnaasumillu – napparsimalersitseriaannaasut.

Nunarsuarmi ilisimatusarnermik piginnaasalinnit malinnaavigineqartariaqarpoq, taakkulu pisariaqassappat Savalimmiuni, Danmarkimi Islandimilu taamatut suliaqartunik isumasieqateqartariaqarput.

Nunatsinnut angallassinermi ilaasut 600-nissaannut naatsorsuinerit amerlasuunit pissarsiarineqarsinnaasariaqarput, tamannalu aningaasaqarnermi, peqqissutsimi allanilu naatsorsuinerit, periarfissanut il.il. Covidip kingornanik pissutsinik atatillugu oqallisigineqartunut atuuppoq. Tamanna Inatsisartuni tamani siamasissumik toqqissimasumillu aallaaveqartitsinermi aamma qulakkeerneqassaaq. Umiarsuit takornariartaatit qanoq piniarpagut? Avataaneersut nunatsinni tunillatittut qanoq iliuuseqarfiginiarpagut, peqqinnissaqarfitta tamanna akilissavaa? Tuniuttoqarsinnaaneranut naatsorsuinerit suuppat?

Atuarfiit qanoq iliuuseqassappat? Cafet, neriniartarfiit il.il.

Inuussutissarsiutit allanngortinnissaat qanoq akeqassava, tamanna qanoq ingerlassinnaavarput, siunissami sunik sipaaruteqassaagut?

Pitsaasumik aallartittoqaraluartoq tamakku Ataatsimiittarfimmi ullumikkut nassuiarneqanngillat.

Partiit arfineq marluk ataatsimoortariaqarpugut tamassumalu iliuuseqarfiginissaanut suleqatigiiffeqarnissaq qulakkeerlugu. Taamaaliornikkut aningaasatigut ajornartoorfissat ilaat siunissami peqqissutsikkut ajornartoorfigisinnaasagut pitsaanerusumik pinngitsoortissinnaavagut.

Naggasiullugu ilassuteqalaarniarpugut: "Uivernasi" aamma "suliniutit uivertitsilinngitsut"

sunniuteqanngillat. Qaratsatta oqaaseq "uiverneq" paasisarpaa, allatut sunniuteqarneq ajorpoq. Tassunga taarsiullugu toqqissimasoqartariaqarpoq, tatiginnittoqartariaqarpoq paasisutissiisoqartariaqarlunilu.



**SULEQATIGIISITSISUT  
SAMARBEJDSPARTIET**

Eqqissimanissamut torersumillu ingerlatsinissamut atorneqarsinnaasutuat tassaapput paasissutissiisarneq tunniutiinnanninnerlu, paasinninneq iliuuseqarnerlu. Paasissutissiineq, paasissutissiineq, paasissutissiineq. Tulliani nuannaanngikkuit, puffaammeruit kamakkuilluunniit nuliut uilluunniit misilillugu oqarfigiuk "eqqissilaarit". Oqaaseq "uivilissanngilagut" taamatut sunniuteqartarpoq.

Taarsiullugu toqqissisimanissaq piareersimalluarnissaq, pikkorissuunissaq tamatigoornerlu tatiginninnissamut toqqissisimanissamullu sinaakkutitut atorneqarnissaat qulakkeertigu aammalu isumaqatigiinniarnarit, naapigiarnarit amerlaqisut politikkerillu uagut suliasarpassuagut isertuarata tigutigit. Tamanna uagutsinnut ajoqusiinaviannngilaq.

Sipaarniarnarit, suliniutinik kinguartitsinerit, periusissiat pitsaasut nalilersornissaannut naleqqussarnissaannullu piareersimavugut, innuttaasunut paasissutissiinerit, ilisimasaniq paarlaasseqatigiittarnerit, Nunap Karsiata aamma Aningaasanut inatsisip patajaallisarnissaat, allannguinnissamut ikiuinerit tamatigoortuunerlu kiisalu suleqatigiinnermut aalajangiisarnernullu oqallittarfiit nutaat tassaapput pisariaqartitagut.

Kalaallit Nunaat takuteriartigut tamakkiisumik ingerlatsisinnaassuseqartugut aammalu isumaqatigiinniarnissat ammasuunissarlu annilaangaginngikkigut. Peqqilluuntuunissaq tamatta kissaatigaarput, neriutigaarpullu nappaat aningaasatigullu kinguneri ajornerpaat tamatigut pinaveersimatissinnaagigut.

Ataatsimoorluta iliuuseqarsinnaavugut!